

**JU ZAVOD ZA HITNU
MEDICINSKU POMOĆ
KANTONA SARAJEVO**
Direktor Zavoda
Broj: 1701/17-3
Datum: 08.05.2017.godine

Na osnovu člana 69. stav (2) tačka c.), člana 70. st. 1, 4. i 6. Zakona o javnim nabavkama („Sl. glasnik BiH“, broj 39/14), na preporuku Komisije za javnu nabavku broj: 01-1701-2 od 08.05.2017. godine, članova 30. i 39. Statuta JU Zavod za hitnu medicinsku pomoć Kantona Sarajevo (“Službene novine Kantona Sarajevo BiH”, br. 45/13 i 47/13), u postupku javne nabavke 2 (dva) **ambulantna vozila tipa kardiomobil/reanimobil**, direktor Zavoda je donio

ODLUKU o prestanku postupka javne nabavke

Član 1.

Postupak javne nabavke 2 (dva) **ambulantna vozila tipa kardiomobil/reanimobil**, se okončava iz razloga što je cijena ponuđača znatno veća od osiguranih sredstava za predmetnu nabavku.

Član 2.

Za izvršenje ove odluke zadužuje se i ovlašćuje Služba pravno-kadrovskih poslova Zavoda.

Član 3.

Ova odluka objavit će se na web-stranici www.hitnasa.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-544-1 od 09.03.2017. godine.

Javna nabavka je sprovedena Otvorenim postupkom.

Procijenjena vrijednost javne nabavke bez PDV-a je 341.880,34 KM

Obavještenje o nabavci broj: 39-1-1-34-3-10/17 od 31.03.2017. je objavljeno na Portalu javnih nabavki i sažetak u Službenom glasniku BiH broj: 25 od 07.04.2017.godine

Komisija za javnu nabavku imenovana je Odlukom broj: 01-544 -2 od 03.04.2017.godine.

Komisija za javnu nabavku dostavila je dana 28.04.2017. godine izvještaj o radu broj: 1701 od 28.04.2017. godine, zapisnik i preporuku o prestanku postupka javne nabavke broj:

1701/17-2 od 08.05.2017. godine, u postupku javne nabavke 2 (dva) ambulantna vozila tipa kardiomobil/reanimobil.

U postupku po Izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu kvalifikovanosti ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1;
- da su blagovremeno zaprimljene 1 ponuda;
- da su neblagovremeno zaprimljene 0 ponuda;

Nakon uvida u ponudu ponuđača komisija je predložila poništenje postupka nabavke iz razloga što je ponuđena cijena ponuđača znatno veća od osiguranih sredstava za predmetnu nabavku.

S tim uvezi Komisija je odlučila da u skladu sa članom 69. stav (2) tačka c) Zakona o javnim nabavkama („Službene novine BiH“, broj 39/14) poništi postupak javne nabavke 2 (dva) ambulantna vozila tipa kardiomobil/reanimobil.

Nadalje, u postupku ocjene provedenog postupka, direktor Zavoda nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da su se stekli zakonski uslovi za prestanak postupka javne nabavke.

Iz navedenih razloga, primjenom člana 69. stav 2.tačka c) Zakona o javnim nabavkama, te članova 30. i 39. Statuta JU Zavod za hitnu medicinsku pomoć Kantona Sarajevo (“Službene novine Kantona Sarajevo BiH”, br. 45/13 i 47/13), odlučeno je kao u članu 1. ove odluke.

POUKA O PRAVNOM LIJEKU Protiv ove odluke može se izjaviti žalba najkasnije u roku od 10 (deset) dana od dana prijema ove odluke.

M. P.

DIREKTOR ZAVODA
Prim.dr. Sena Softić Taljanović

Dostaviti:
ponuđaču
-arhiva

